


E PROME AMBTENAAR FEMENINO NA ARUBA A TRAHA DEN EDIFICIO ZOUTMANSTRAAT 1.

SKIRBI PA CLYDE HARMS




* Edificio Zoutmanstraat 1 den restauracion, mira di Wilhelminastraat

Catharina Frederika Wever
 Gouvernements schrijfster, oud v.l.ontdachtig jare, geboren en wonende op Aruba in het stadsdistrict, werd door jonge dochter van wijlen Jan Adriaan Wever, en Eliza Adela Ponson, particuliere, wonende op Aruba, indertijd echelieden ter andere zijde.



* Registro di Matrimonio y Divorcio ta indica cu mi mama tabata un "gouvernements schrijfster" augustus 1923
 * Catharina Harms - Wever na New York na aña 1925 algun luna despues di haya su prome yiu.



* Kerki bieu y Zoutmanstraat 1. Na robes, Pasangrahan, originalmente cas di Dr. Horacio Oduber, a wordo derumba despues pa haci lugar pa e kerki nobo na 1949.


Tempo mi tabata mucha, mi wela a conta mi cu mi mama, Catharina Frederika Harms - Wever tabata e prome ambtenaar femenino na Aruba. Mi a considera esaki como un echo y nunca mi no a trata di confirm'e ni repudi'e, pero awor cu Monumentenbureau ta restaurando Zoutmanstraat 1, mi curiosidad a motiva mi pa averigua, pasobra ta den e edificio aki mi mama su-puestamente a traha. Como cu e parti atras di e edificio Zoutmanstraat 1 tabata net dilanti Kerki Protestant bieu mi tabata conoce e edificio aki di tempo cu mi tabata bay

Sigui lesa pag. 49

DIALUNA 13 OCTOBER 2014

DIARIO

PAGINA 49



* Jan Adriaan Wever y Eliza Adela Ponson, mayornan di Catharina Harms.

"Zondagschool". Si mi memoria no ta faya mi, Douane tabata uza e mayoria parti di e edificio.

Mi mama a bay "Scol di gobierno" cu tabata ubica na Wilhelminastraat 6. Na december di aña 1921 e scol a haya e nomber Julianaschool y despues di sirbi den hopi diferente funcion, e edificio awendia ta un monumento cu ta carga number di Edifi-

Continuacion pagina 48



* Parti padilanti di Edificio Zoutmanstraat 1 mas di 70 aña pasa

cio Scol 1888 y ta sede di Algemeene Rekenkamer. Ami y tur mi rumannan a studia na Julianaschool, cuminsando na Wilhelminastraat 6 y terminando na e edificio na George Madurostraat 1 riba Klip.

E yiu mayor di Jan Adriaan Wever y Eliza Adela Ponson, mi mama tabata un muher hopi inteligente cu tabata haya masha bunita raport na scol. Dr. Hopkins, e doctor Mericano cu tabata traha na Aruba a ofrece mi mama un beca pa bay studia na Merca, pero mi wela no a acepta. E tempo ey tabata algo impensabel pa un familia laga un yiu muher bay studia afo.

Mi mama a casa cu Mario Eusebio Harms dia 29 di augustus 1923 y e Extracto di Registro di Matrimonio y Divorcio ta indica cu mi mama tabata un "gouvernements schrijfster" di profesion. Mi no sa si mi mama a tuma algun curso pa prepara su mes pa bira un ambtenaar, pero mi ta sospecha cu lo ke tabata mas importante

pa sirbi di "schrijfster" ta un bunita letra y mi mama di berdad tabata skirbi masha bunita. Mi ta kere tambe cu como cu e Gezaghebber tabata bay e mes kerki cu e famia Wever-Ponson, esaki tabata un plus pa mi mama haya e posicion cu gobierno Asina cu el a casa, mi mama mester a laga su trabou y el bay biba na New York, caminda mi tata ya tabata biba. Despues cu nan tabatin tres yiu nan a bolbe tuma residencia na Aruba caminda nan a keda te dia cu nan a fayece.

Na Archivo Nacional mi no por a haya ningun documento cu ta confirms cu mi mama tabata e prome ambtenaar femenino, pero tampoco mi a haya algo cu ta muestra cu tabatin otro ambtenaar femenino prome cu mi mama, pesey mi ta conclui cu Catharina Frederika Wever tabata e prome. Si algun lector por tin informacion pa confirma of repudia mi conclusion lo mi tin gana di tende di dje.

clydeharms@yahoo.com